



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. II. Solvuntur objectiones,

[urn:nbn:de:hbz:466:1-77232](#)

DE POSSIBILITATE VISIONIS DEI.

123

ARTICULUS III.

*An etiam oculus corporeus elevari possit
ad videndum Deum?*

§. I.

Conclusio negativa statuitur.

58. **A**Ntropomorphitæ existimantes Deum esse corporeum, eique humanam figuram affingentes, consequenter etiam dicebant, ipsum posse videri oculo corporeo. Aliqui vero recentiores, quos statim referemus, afferunt, vel saltem in dubium revocant, an oculus corporeus ad videndum Deum, supernaturaliter elevari possit.

Dico tamen, nec oculum corporeum, nec illum sensum internum, vel externum, posse supernaturaliter ad videndum Deum elevari. Est communis Theologorum cum D. Thoma h̄c art. 3. & oppositum Suarez censet errori proximum, Vazquez temerarium, Valentia tamen de illa dubitat: in dñ Arriaga, & alij recentiores, quibus hoc studium est, nihil statuere certum, omnia revocare in dubium, illam negant de oculo possibili.

59. Probatur conclusio ex suprà dictis: Implicat aliquam potentiam vitalem, & cognoscitivam, ferri extra latitudinem sui objecti adæquati, & specificativi; alioquin ferretur extra propriam speciem, & quidditatem, quod implicat: Sed Deus ut est in se, est extra latitudinem objecti adæquati & specificativi oculi corporei, aut alterius potentia sensitivæ; quandoquidem objectum adæquatum illarum, est ens materiale, & corporeum; Deus autem in se est immaterialis, & incorporeus: Ergo implicat oculum corporeum, aut alium sensum externum, vel internum, ad videndum Deum, supernaturaliter elevari.

Confirmatur: Deus ut est in se, magis distat ab omnibus objectis sensibilibus, quam unum objectum sensibile ab alio, v. g. quam sonus, à colore: Sed implicat sonum videri ab oculo corporeo, ut communiter conceditur: Ergo & Deum quidditativè videri ab oculo, aut ab alio sensu interno, vel externo.

Confirmatur amplius: Visio beatifica est actus omnino immaterialis, utpote Deo summè immateriali proportionatus: Sed implicat potentiam aliquam materiale, & corporeo organo affixam, elicere aliquem actum omnino immaterialem, actus enim nunquam excedit in immaterialitate suam potentiam: Ergo repugnat potentiam aliquam corpoream & materiale videre Deum.

60. Probatur secundò conclusio: Cum potentia sensitiva brutorum sint ejusdem perfectionis & speciei cum nostris; in dñ quædam superent homines in facultate videndi, ut dicitur de lynce & aquila: si oculus, aut alius sensus corporeus hominis, posset supernaturaliter videre Deum, etiam oculus bruti, vel ejus phantasia, ad claram Dei visionem elevari posset: Hoc autem esse absurdissimum, quis non videat? Si enim bruta essent capacia videndi Deum per imaginationem, vel sensum, supernaturaliter elevatum, possent etiam supernaturaliter amare Deum, & illo frui, cum amor, & fruitio ad visionem Dei consequantur. Item bruta essent creata ad imaginem, & similitudinem Dei, quod est contra fidem, quæ soli creature intellectuali hanc excellentiam tri-

Tom. I.

A buit. Sequela patet, homo enim videndo Deum intuitivè, maximè consummatur in ratione imaginis, & similitudinis Dei, ex intima unione essentia divina, per modum forma, & speciei intelligibilis cum ejus intellectu: iuxta illud 1. Ioan. 3. Similes ei erimus, quoniam videbimus eum sicuti est: Ergo si bruta essent capacia visionis Dei, sicut homines & Angeli, essent etiam facta ad ejus imaginem, & similitudinem.

§. II.

Solvuntur objectiones.

B **C**ontra hanc conclusionem objiciuntur in primis varijs textus Scripturæ, in quibus homines dicuntur oculis vidisse Deum: Iob. 42. *Auditu auris audiri te, nunc autem oculus meus videt te.* Et Isaïæ 6. *Vidi Dominum sedentem super soliam.* Secundo objicitur Augustinus 22. de civit. cap. 29. ubi videtur dubitanter afferere, quod beati post resurrectionem videbunt Deum, etiam oculis corporeis.

C Ad primum respondeo plura ex illis locis intelligi de visione Dei, non in sua essentia, sed in corporea specie, in qua voluit apparere sensibiliter. Vel de Deo in humanitate assumpta, in qua in terris *visus est, & cum hominibus conversatus est*, ut dicitur Baruc 3. Secundo dici potest, quod quando in Scriptura, Deus dicitur videri oculis, hoc non debet intelligi de oculo corporeo, sed spirituali: scilicet de fide, vel sapientia infusa, quæ Deus in hac vita cognoscitur. Sic ad Ephes. 1. fideles dicuntur habere oculos illuminatos fidei, & D. Bernardus loquens de fide, vocat *Serm. 4. de E-* illam oculatam: *Videte (inquit) quam oculata sit fides, quam lynceos oculos habeat, diligenter considerate.* Ad Augustinum vero, respondeo cum D. Thoma h̄c art. 3. ad 2. Augustinum ei loco assertere tantum, oculos Beatorum glorificatos, videre Deum per accidens in aliquo ejus effectu, sicut oculi nostri videre dicuntur alicujus vitam, quando vident motus sensibiles, & corporeos ab illo procedentes.

D Ex his inferes, oculum corporeum non posse etiam elevari à Deo ad videndum Angelum ut est in se; quia cum Angelus sit substantia purè spiritualis, & immaterialis, non continetur intra objectum adæquatum, & specificativum oculi corporei.

E Dices: Ignis inferni elevatur à Deo ad torquentos dæmones, quamvis illi sint omnino spirituales, ignis vero corporeus: Ergo similiter oculus corporeus, poterit elevari à Deo ad videndum Angelum, quamvis ille sit spiritualis, & incorporeus.

Sed nego Consequentiam, & paritatem. Ratio disparitatis est, quia ignis concurrens solùm instrumentaliter ad torquentos dæmones; oculus autem, cum sit potentia vitalis, non potest instrumentaliter concurrens ad eliciendam visionem, sed necessariò debet esse causa principalis illius. Hoc autem intercedit discrimen inter causam instrumentalem, & principalem; quod illa potest elevari extra suum objectum specificativum, sicut aqua elevatur in Baptismo ad producendam gratiam in anima pueri; ista vero non potest, etiam supernaturaliter, extra limites objecti specificativi se extendere, ut constat ex suprà dictis,

Q ij